

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

ДОМ НАРОДА

Комисија за финансије и буџет



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

DOM NARODA

Komisija za finansije i budžet
Povjerenstvo za financije i proračun

Број/Број: 02/3-50-8-24-10,6/12
Сарајево/Sarajevo, 3.2. 2012.

**IZVJEŠTAJ O RADU
KOMISIJE ZA FINANSIJE I BUDŽET DOMA NARODA
PARLAMENTARNE SKUPŠTINE BiH
ZA PERIOD OD 1.1.2011. DO 31.12.2011. GODINE**

Sarajevo, februar 2012. godine

Na osnovu člana 35. stav (2) Poslovnika Doma naroda Parlamentarne skupštine Bosne i Hercegovine ("Sl. glasnik BiH", br. 33/06, 41/06, 91/06 i 91/07), Komisija za finansije i budžet podnosi Domu naroda Parlamentarne skupštine BiH

Izvještaj o radu

Komisije za finansije i budžet Doma naroda Parlamentarne skupštine BiH za period od 1.1.2011. do 31.12.2011. godine

I. UVODNE NAPOMENE

Nadležnosti Komisije utvrđene su članom 28. Poslovnika Doma naroda Parlamentarne skupštine Bosne i Hercegovine („Sl. glasnik BiH“, br. 33/06, 41/06, 91/06 i 91/07).

II. SJEDNICE KOMISIJE

Komisija je u izvještajnom periodu održala ukupno devet sjednica:

- 1. sjednica	29.6.	1 tačka dnevnog reda (konstituirajuća sjednica)
- 2. sjednica	7.7.	13 tačaka dnevnog reda
- 3. sjednica	15.7.	2 tačke dnevnog reda
- 4. sjednica	27.7.	8 tačaka dnevnog reda
- 5. sjednica	29.9.	7 tačaka dnevnog reda
- 6. sjednica	11.10.	2 tačke dnevnog reda
- 7. sjednica	27.10.	2 tačke dnevnog reda
- 8. sjednica	1.12.	6 tačaka dnevnog reda
- 9. sjednica	15.12.	5 tačaka dnevnog reda

Komisija je razmatrala ukupno 46 tačaka dnevnog reda.

III. NADLEŽNOSTI KOMISIJE PO POSLOVNIKU DOMA NARODA

f) Razmatranje propisa u oblasti finansija i budžeta

Na osnovu člana 98. Poslovnika Doma naroda, Komisija je u 2011. godini razmotrila dva prijedloga zakona, i to:

1. Prijedlog zakona o izmjenama i dopunama Zakona o postupku prisilne naplate indirektnih poreza, predlagač: Vijeće ministara BiH, prvo i drugo čitanje;
2. Prijedlog zakona o izmjeni Zakona o izmirenju obaveza po osnovi računa stare devizne štednje, predlagač: Vijeće ministara BiH, prvo i drugo čitanje.

Ovi prijedlozi zakona, koje je predložilo Vijeće ministara BiH, usvojila su oba doma PSBiH.

a) Razmatranje pitanja koja se odnose na Centralnu banku BiH

U okviru svojih nadležnosti, Komisija je razmatrala:

- 1) Finansijski izvještaj Centralne banke BiH za 2010. godinu;
- 2) Godišnji izvještaj Centralne banke BiH za 2010. godinu.

g) Razmatranje pitanja koja se odnose na izvršenje i nadzor nad izvršenjem budžeta BiH

U okviru svojih nadležnosti, Komisija je razmatrala:

1. Izvještaj o izvršenju Budžeta institucija BiH i međunarodnih obaveza BiH za 2009. godinu;
2. Izvještaj o reviziji Izvještaja o izvršenju Budžeta institucija BiH za 2009. godinu;
3. Odgovor na nalaze i preporuke po Izvještaju o reviziji Izvještaja o izvršenju Budžeta institucija BiH za 2009. godinu;
4. Izvještaj o izvršenju Budžeta institucija BiH i međunarodnih obaveza BiH za 2010. godinu;
5. Izvještaj o reviziji Izvještaja o izvršenju Budžeta institucija BiH za 2010. godinu.

j) Razmatranje pitanja koja se odnose na izvještaj Ureda za reviziju institucija BiH

1. Komisija je u okviru svojih nadležnosti razmatrala izvještaje Ureda za reviziju institucija BiH o finansijskom poslovanju institucija BiH za 2009. godinu (62 institucije) i usvojila Izvještaj o razmatranim revizorskim izvještajima Ureda za reviziju institucija BiH za 2009. godinu s prijedlogom zaključaka i dostavila ga na razmatranje Domu naroda.
2. Komisija je u okviru svojih nadležnosti razmatrala izvještaje Ureda za reviziju institucija BiH o finansijskom poslovanju institucija BiH za 2010. godinu (67 institucija) i usvojila Izvještaj o razmatranim revizorskim izvještajima Ureda za reviziju institucija BiH za 2010. godinu s prijedlogom zaključaka i dostavila ga na razmatranje Domu naroda.

IV. Nadležnosti Komisije po članu 6. Zakona o reviziji institucija BiH ("Sl. glasnik BiH", broj 12/06)

U skladu s članom 6. Zakona o reviziji institucija BiH, Komisija je razmatrala:

1. Šestomjesečni finansijski izvještaj Ureda za reviziju institucija BiH na dan 30.6.2010.;
2. Devetomjesečni finansijski izvještaj Ureda za reviziju institucija BiH na dan 30.9.2010.;
3. Godišnji plan revizije za 2010./2011. godinu Ureda za reviziju institucija BiH;
4. Finansijski izvještaj Ureda za reviziju institucija BiH za 2010. godinu;
5. Izvještaj o aktivnostima Ureda za reviziju institucija BiH za 2010. godinu;
6. Tromjesečni finansijski izvještaj Ureda za reviziju institucija BiH na dan 31.3.2011.;
7. Šestomjesečni finansijski izvještaj Ureda za reviziju institucija BiH na dan 30.6.2011.;
8. Devetomjesečni finansijski izvještaj Ureda za reviziju institucija BiH na dan 31.9.2011.;
9. Nacrt budžeta Ureda za reviziju institucija BiH za 2012. godinu;

V. AKTIVNOSTI VEZANE ZA RAZMATRANJE I USVAJANJE OSTALIH AKATA

U okviru ostalih aktivnosti iz njene nadležnosti, Komisija je razmatrala:

1. Izvještaj o radu Ministarstva finansija i trezora BiH za 2010. godinu (sačinilac: Vijeće ministara BiH).
2. Izvještaj o radu Uprave za indirektno oporezivanje BiH za 2010. godinu (sačinilac: Vijeće ministara BiH);
3. Izvještaj o radu Agencije za javne nabavke BiH za 2010. godinu (sačinilac: Vijeće ministara BiH);
4. Izvještaj o radu Ureda za razmatranje žalbi za 2010. godinu (sačinilac: Ured za razmatranje žalbi);
5. Informaciju o stanju javne zaduženosti BiH na dan 31. 12. 2009. godine;
6. Informaciju o stanju javne zaduženosti BiH na dan 31. 12. 2010. godine;
7. Izvještaj o reviziji projekta Obnova i rekonstrukcija Zgrade prijateljstva između Grčke i Bosne i Hercegovine (HIPERB 1 i HIPERB 2);
8. Izvještaj o obavljenoj reviziji učinka o temi: "Upravljanje troškovima zakupa za rad i smještaj institucija BiH".
9. Izvještaj o radu Komisije za finansije i budžet za 2010. godinu;
10. Orijentacioni radni plan Komisije za finansije i budžet za 2011. godinu;
11. Predstavku Samostalnog sindikata državnih i policijskih službenika i zaposlenika u institucijama BiH, sudskoj vlasti i javnim ustanovama BiH u vezi sa ostvarivanjem prava na naknadu za prijevoz na posao i prijevoz s posla u institucijama BiH;

12. Obavještenje Ministarstva financija i trezora BiH (Predstavka Samostalnog sindikata državnih i policijskih službenika i zaposlenika u institucijama BiH, sudskoj vlasti i javnim ustanovama BiH u vezi sa ostvarivanjem prava na naknadu za prijevoz na posao i prijevoz s posla u institucijama BiH);
13. Dopis Sindikata Granične policije BiH (Usklađivanje osnovice za obračun plaće);
14. Analizu o implikacijama uvođenja diferenciranih stopa PDV-a u BiH;
15. Plan za razmatranje revizorskih izvještaja o finansijskom poslovanju institucija BiH za 2010. godinu;
16. Prijedlog izvještaja o razmatranim revizorskim izvještajima Ureda za reviziju institucija Bosne i Hercegovine za 2009. godinu;
17. Prijedlog izvještaja o razmatranim revizorskim izvještajima Ureda za reviziju institucija Bosne i Hercegovine za 2010. godinu.

VI. AKTI KOMISIJE

Komisija za finansije i budžet u izvještajnom periodu razmatrala je:

- 2 prijedloga zakona;
- 129 revizorskih izvještaja o finansijskoj reviziji institucija BiH (62 revizorska izvještaja za 2009. godinu i 67 revizorskih izvještaja za 2010. godinu);
- 30 ostalih akata.

Komisija je usvojila:

- 2 mišljenja o prijedlozima zakona;
- 2 izvještaja o prijedlozima zakona i 14 izvještaja o drugim aktima;
- 283 zaključka (20 zaključaka se odnosi na prijedloge zakona i ostale akte za koje je Komisija bila nadležna, a 263 zaključka odnose se na reviziju finansijskog poslovanja institucija BiH).

VII. SARADNJA S DRUGIM INSTITUCIJAMA I ORGANIZACIJAMA

Komisija uspješno saraduje s USAID-om u sklopu projekta „Jačanje parlamenata u BiH“ kao i s Misijom OSCE-a u BiH.

Na osnovu zaključenog Memoranduma o saradnji između Parlamentarne skupštine BiH i Američkog univerziteta u BiH, u Uredu sekretara Komisije tokom 2011. godine stručnu praksu obavljala su dva studenta Američkog univerziteta u BiH.

Ured sekretara Komisije sačinio je, a Kolegij Sekretarijata odobrio, Plan stručne prakse, po kojem se stručna praksa i provodi.

Ostvarena je stalna komunikacija i veoma uspješna saradnja sa svim relevantnim institucijama čija se oblast djelovanja podudara s nadležnostima Komisije. Ta saradnja se, prije svega, odnosi na Vijeće ministara BiH, Ministarstvo finansija i trezora BiH, Upravu za indirektno oporezivanje BiH, Centralnu banku BiH, Agenciju za javne nabavke BiH, Ured za razmatranje žalbi BiH i Ured za reviziju institucija BiH.

Predstavnici navedenih institucija su redovno i blagovremeno obavještavani o radu Komisije te su učestvovali u raspravama na sjednicama kada su razmatrane tačke dnevnog reda, odnosno materijali iz njihove nadležnosti.

Osim toga, ostvarena je veoma dobra komunikacija, saradnja i koordinacija s drugim komisijama te sektorima i odjelima Sekretarijata Parlamentarne skupštine BiH, a sve s ciljem blagovremenog i efikasnog obavljanja aktivnosti iz nadležnosti Komisije.

Redovno je praćen rad svih drugih komisija Parlamentarne skupštine BiH, a naročito ustavnopravnih komisija oba doma i Komisije za finansije i budžet Predstavničkog doma, s ciljem kvalitetnog, profesionalnog i blagovremenog izvršavanja zadataka i obaveza iz nadležnosti Komisije.

Predsjedavajući
Komisije za finansije i budžet
dr. Dragan Čović